



TPO Fondacija

Vilsonovo šetalište 10, Sarajevo
Bosna i Hercegovina



Filozofski fakultet u Zenici

Fakultetska 3, Zenica
Bosna i Hercegovina

Organiziraju:

BOSANSKOHERCEGOVAČKU LJETNU ŠKOLU 2016: DEMITOLOGIZACIJA NACIJA I IDENTITETA - BOSNA I HERCEGOVINA U EVROPSKOM SREDNJEM VIJEKU



TPO Fondacija u saradnji s Filozofskim fakultetom Univerziteta u Zenici organizira ljetnu školu (15.–19.07.2016.) koja će se održati u Jajcu (Bosna i Hercegovina). Cilj programa je promišljanje uloge koju srednjovjekovni mitovi igraju u konstrukciji identiteta i pripadnosti, te na koji način utječu na diskurs savremene izgradnje nacija i nacionalnog identiteta. Predstavljanjem novih arhivskih materijala nastoje se demitologizirati pojedini aspekti bosanskohercegovačke historiografije koja predstavlja problem u izgradnju mira i utemeljenje inkluzivnijeg obrazovnog sistema. Na ovaj način, program propituje trenutnu reviziju historiografije u Bosni i Hercegovini i prostoru bivše Jugoslavije. Ljetna škola je usko vezana uz međunarodnu konferenciju „**Trauma, pamćenje, ozdravljenje**“, koja će se održati u Sarajevu od 12. do 14. jula 2016. Konferencija se izravniije bavi pitanjem dugoročnog naslijeđa nasilja i njegovog utjecaja na utemeljenje mira. U duhu rečenog, ljetna škola bavi se historijskim periodom koji je od vitalne važnosti za našu zemlju i cijelu regiju, pogotovo ako uzmemo u obzir značaj koji je srednjovjekovni period imao u oživljavanju nacionalnih mitova i identiteta. Kao takav nas uvelike izvještava o političkom diskursu tokom nedavnih ratova nakon raspada Jugoslavije. Nadamo se da će ova ljetna škola postati događaj koji će se održavati na godišnjoj razini. Ove godine srednjovjekovnu Bosnu i Hercegovinu promatramo kao dio evropske srednjovjekovne historijske baštine u nastojanju da proširimo lokalni djelokrug kojem je ovaj period bio podređen.

Po završetku zadnjeg rata u Bosni i Hercegovini, koji je poslužio kao podloga za uvođenje krnjeg obrazovnog sistema koji služi za upravljanje nacionalnih ideologija etničkih grupa, bosanskohercegovački srednjovjekovni period postao je izvor različitih interpretacija i pokretačka sila za poticanje nacionalističkih projekata unutar i izvan granica naše zemlje. Iako su do sada objavljeni brojni radovi koji rasvjetljavaju bosanskohercegovački srednji vijek bolje nego ikada prije, udžbenici iz historije ne odražavaju ova saznanja. Umjesto toga, bosanskohercegovački srednjovjekovni period u 21. stoljeću uglavnom se korisiti na isti način kao u 19. stoljeću: kao putokaz za velike projekte nacionalnih država.

U ovoj ljetnoj školi oslanjamo se na rezultate savremenih historijskih i arhivskih otkrića. Uvodimo drugačiji i svestrani pristup koji objedinjuje političke, vjerske, ekonomske i kulturne aspekte koji odražavaju savremena akademska istraživanja. Predavači su afirmirani bosanskohercegovački profesori i mladi naučnici. Škola pruža priliku za proučavanje postojećih paradigmi i stavljanjem Bosne i Hercegovine unutar konteksta šireg evropskog srednjeg vijeka otvara novu diskusiju o ulozi mita u stvaranju identiteta. Dugoročni i širi kontekst zahtijeva napredovanje ka demitologizaciji historiografskih elemenata koji su postali problematični za izgradnju mira.

Takav pristup je neophodan želi li se prostor Bosne i Hercegovine razumjeti izvan duboko uvriježenih stereotipa kojima je obilježen cijeli Balkan. U tom smislu, nužno je da se njena kulturna dispozicija, etnička struktura, geopolitički položaj i historijsko naslijeđe odvoji od ideoloških interpretacija.

Polaznici će saznati mnogo više o bosanskohercegovačkoj kulturi, tradiciji, historiji, društvu, savremenosti u širem balkanskom i evropskom kontekstu.

Ova ljetna škola nudi uvid u tekstove i događaje koji nisu dovoljno, ili nisu uopće, predstavljeni javnosti, a od krucijalne su važnosti za naše razumijevanje kompleksne bosanskohercegovačke stvarnosti. Prema tome, cilj ove ljetne škole je da se počinje od lokalnog i postavlja u globalno okruženje gdje trenutni i intenzivni procesi društvene destrukcije, pogotovo kroz moćne mitove o naciji, mogu biti jasno konceptualizirani, propitani i ponovno procijenjeni. Program je namijenjen studentima humanističkih i društvenih nauka, diplomcima i postdiplomcima, kao i svima onima koje ovaj prostor više zanima.

Akademski voditelji:

- Prof. dr. Dubravko Lovrenović, profesor Opće historije na Filozofskom fakultetu u Sarajevu

Predavači:

- Agata Jawoszek
- Emir Filipović
- Nenad Veličković
- Zilka Spahić Šiljak
- Enes Dedić
- Dženan Dautović
- Alisa Mahmutović
- Mehmed Kardaš
- Srđan Šušnica
- Edisa Gazetić
- Adis Fejzić
- Venita Popović
- Jovana Jokanović

TEME

Srednjovjekovna Bosna kao ideološko bojno polje

Identitarne politike u BiH: zloupotreba srednjovjekovnih simbola

Popularni mitovi i narativi srednjovjekovnog stvaranja nacija

Emancipatorne rekonstrukcije konficiranih pamćenja

Srednjovjekovna Bosna u Evropi: postojeći ili nepostojeći pojam

- Srednjovjekovna Bosna u dosadašnjim diskursima jugoistočne i istočnocentralne Evrope
- Ideološke interpretacije nacionalnih historiografija: Bosna u mozaiku južnoslavenskih država ranog srednjeg vijeka (do 12. st.)

Politička historija Bosne: Bosanski treći (evropski) put

- Bosanska banovina kao jedno od čvorišta mitoloških interpretacija
- Kraljevstvo po milosti Crkve bosanske
- Bosna i njeni susjedi
- Dubrovnik i Bosna – „ekonomija historije“
- Sveta kruna bosanska i sveta kruna ugarska
- Bosna i Rimski kurija: konstrukcija bogumilskog mita
- Bosna u venecijanskoj transnacionalnoj ekonomiji
- Bosna i Osmansko carstvo ili početak jedne turkofobije

-
- Bosna i Despotovina: faktografija i ideologija na primjeru ključnih mitologema o „srpskoj srednjovjekovnoj Bosni“

Religijska i kulturna historija Bosne

- Kristijanizacija srednjovjekovne Bosne u ćirilometodskoj misiji: indikatori kristijanizacije
- Crkva bosanska: ni rimska ni bizantska
- Historiografija o Crkvi bosanskoj: od bogumilske do autokefalne crkve
- Franjevci i biskupija: etablirano i neetablirano katoličanstvo
- Mikrokršćanstva srednjovjekovne Bosne kao rubna kršćanstva ekumene
- Identitet i konverzija u srednjovjekovnoj Bosni i dvostruki vjerski identiteti
- Srednjovjekovna bosanska književnost
- Teknologija rukopisa Crkve bosanske (evanđelja Crkve bosanske)
- Kodeksi bosanske redakcije u kontekstu vjerskog učenja Crkve bosanske
- Jezik i grafija Petrogradskog bosanskog evanđelja
- Nacionalizacija srednjovjekovnih bosanskih tekstova
- Stećci: od bogumilizacije do interkonfesionalnosti
- Kultura smrti u srednjovjekovnoj bosanskoj epigrafici
- Historiografija stećaka
- Umjetnost klesanja stećaka

Društvena i ekonomska historija Bosne

- Bosanska vlastela ili „feudalna demokratija“ al modo di Bosnia
- Bosanski gradovi – urbani život srednjovjekovne Bosne
- Trgovina i rudarstvo u srednjovjekovnoj Bosni

Tranzicija srednjovjekovne Bosne u Bosnu Otomansku: bosanski imaginarni Turčin

Rod u srednjovjekovnoj Bosni i Hercegovini

- Žene u srednjovjekovnoj Bosni
 - Konstrukcija ženskosti: od emancipatorke do srednjovjekovnih mučenica
-

Terenska nastava

1. Obilazak katakombi
2. Obilazak crkve Sv. Marije
3. Izlet u Jajce: Posjeta Muzeju II zasjedanja AVNOJ-a

Ostali izleti će imati cilj da upoznaju sudionike s posljedicama politizacije srednjovjekovnih mitova

1. Prijedor: obilazak logora Trnopolje
2. Prijedor: obilazak masovne grobnice Tomašica
3. Banjaluka:
 - a. Predavanje o Banjaluci i ratnim događajima
 - b. Vrijeme rata – posjeta Ferhadiji, zgradama odakle se upravljalo ratom i kampanjama genocida (zgrada Opštine i Dom JNA), Narodnom pozorištu, Incelu i Šehitlučkom spomeniku NOB-u

Lokacija:

Jajce, Bosna i Hercegovina

Trajanje škole:

15.–19. 07. 2016.

Radni jezik:

B/H/S jezik

Cijena:

150 EUR za studente iz EU

50 BAM za studente iz BiH

Uplatu možete izvršiti na ime TPO Fondacija,

Broj tr. računa: 1610000091360043 (BAM),

a za devizne uplate (EUR):

IBAN: BA391611000001608512

SWIFT CODE: RZBABA2S

sa naznakom za Ljetnu školu

Rok za aplikaciju:

1. 04. 2016.

Ukoliko se odlučite za online plaćanje, molimo odaberite opciju OUR (Vi snosite troškove prijenosa sredstava između banaka). Ukoliko se odlučite za plaćanje na šalteru u banci, također plaćate dodatno bankarsku proviziju.

Prijava:

skola.Identiteti@tpofond.org

alisamahmut@gmail.com

edisa_gazetic@ymail.com

BOSANSKOHERCEGOVAČKA LJETNA ŠKOLA 2016.

Ljetna škola:
Demitologizacija nacija i identiteta - Bosna i Hercegovina u
evropskom srednjem vijeku

Jajce, Bosna i Hercegovina

TPO Fondacija, Filozofski fakultet u Zenici

Juli, 15.–19. 2016.

Ime i prezime:

Datum rođenja:

Adresa:

Broj telefona:

Email adresa:

Studijski ciklus:

Univerzitet:

Motivaciono pismo (1 str.):
